

## राम भजो डर काहे को

( सतगुरु मेरा बणिया, और में संतन की देह,  
रोम रोम में बस गया, ज्यू बादल बिच मेघ। )

भजो जाको विश्वास राखजो ,  
सायब भिड़ी थांको।  
संता राम भजो डर काको।

श्रीयादे सिमरण ने बैठी ,  
नेचो राखो धणिया को।  
बलति अग्निमु बचिया उबारिया,  
आव पाक ग्यो आको।  
संता राम भजो डर काको।  
भजो जाको ....

भक्त प्रहलाद ने पर्चो पायो ,  
पायो साथ सतिया को।  
ताता खम्ब से बाथ भराई ,  
मेट्यो नाम पिता को।  
संता राम भजो डर काको।  
भजो जाको ....

दस माथा ज्याके बीस भुजा है,  
रावण बण गयो बांको।  
एक एक ने काट भगाया ,  
पतो न राख्यो वाको।  
संता राम भजो डर काको।  
भजो जाको ....

गज ग्राहक लड़े जल भीतर ,  
लड़त लड़त गज थाको।  
गज की कूच सुनी दरगाह में,  
गरुड़ छोड़कर भागो।  
संता राम भजो डर काको।  
भजो जाको ....

कौरव पांडवा के भारत रचियो ,  
होयो मरबा को हाको।  
पांडवा के भिडु कृष्ण चढ़ आया,  
बाल न हुयो बांको।  
संता राम भजो डर काको।  
भजो जाको ....

भारत मे भँवरी का अंडा,  
बले काळजो मां को।  
गज का घंटा टूट पड़ा है ,  
बाण मोखला फांको।  
संता राम भजो डर काको।  
भजो जाको ....

कोरवा का भेज्या पांडव रे आया,  
कोने दोष गुरां को।  
तीन बात की करी थरपना ,  
पेड़ लगायो आम्बा को।  
संता राम भजो डर काको।  
भजो जाको ....

के लख कहु के लख वर्णों ,  
सारियो काज गणा को।  
सूरदास की आई विनती ,  
सत्य वचन मुख भाको।  
संता राम भजो डर काको।  
भजो जाको ....

<https://bhajanganga.com/bhajan/lyrics/id/25620/title/ram-bhajo-dar-kaahe-ko>

अपने Android मोबाइल पर [BhajanGanga](#) App डाउनलोड करें और भजनों का आनंद ले |